



13. Maj 2019

UPA 2019/85
Aqqalu C.Jerimiassen

Akiliut atorlugu aningaasartuutit, ilassinninnermut aningaasartuutit kiisalu angalanermut aningaasartuutit ilassutitallit Naalakkersuisutut sulinnermut atatillugu aningaasartuutit qaammatit pingasukkaarlugit tamanut takusassiarisalnissaat anguniarlugu Naalakkersuisut siunnersuusioqqullugit peqquneqarnissaannik Inatsisartut aalajangiiffigisassaattut siunnersuut. Siunnersuut saqqummiunneqassaaq UPA2020-mi.

(Inatsisartunut ilaasortaq Tillie Martinussen, Suleqatigiissitsisut)

Siunnersuummi qulequtaq aallartiinnarlugu isumaqarnarsinnaavoq soorlulimi nunarput sunut tamanut paasissutissanut matoqqalluinnartumik siunnerfeqarluni ingerlasoq. Ilaatigullumi malersorneqartutut misigisimaannaleqqanertut aallaavilimmik immaqa taaneqarsinnaalluni tassalimi sunarsuaq tamarmi matoqqalluinnartutut isikkoqaruttormat.

Suleqatigiissitsisukkunnut eqqaasitsissutigilaarusunnarpoq, nunamiippugut kikkut tamat oqartussaaqataaneratat ataani inississorneqarsimasumi. Tamassumuunakkullu kinannguugaluarnersumulluunnit paasineqarsinnaajuaannarpoq aningaasartuutaasoq qanoq ingerlanerintut naalakkersuisuttalu qanoq atuisimanerannut sumullu. Ammasumik sulinissaq aap isummamini tusaannarlugu kusanaqaaq, oqajamaajuallaarnerli aamma nunatta avataanit isigineqarnermit annertuumik innarliisinnaaqaaq, tassami kina suliffeqarfipiluunersuarmik ingerlataqartoq tamaannarusussammat inatsisartuni ilaasortanut allaat oqajamaatut pissuseqarniarpata?

Nunarput naammattumik kiffaangissuseqarfioerpoq, Atassummiillu isumaqanngilagut taamannak qaavatigut allaffissuutissamik inissiisoqaaqqittariaqartoq, kialluunniimmi pisinnaatitaaffigereeraa sooq immikkut ittumik taamarsuaq inatsisiliuunniarneqassammat.

Kukkunersiunermit ataatsimiitsitaliaq pioreerpoq, tassanilu nalilersuisarnerit ingerlanneqartarlik arlaannit eqqumiiginarsinnaasumik peqartillugu, innutaasunut qinikkatsinnik asuli ilisiitsuuitsiniaasarneq peqqutissaqanngitsumik inuiaqatigiinni uivnersuarnik pilersitsisartut nunatsinni inatsisiliortutut pinaversaartinniagassaraagut. Taamaattumillu inoqatitta naleqassusaanut tatiginassusaanullu inarliisannnginnissaq piniarlugu suliat ilaasa matoqqasusariaqartarneri ataqqilluinnartariaqarput, killissaatsumik ammasuunissaq qanoq innarleeratarsinnaatiginerami nalilersorluarneqaaqqaartariaqarmat. Pasillikuluinnavissutut ajortoqalaarnissannguanillu qamaannaavittutut pissuseqarneq peqqinnanneqaaq, Naalakkersuisugut sulissapput inatsisartut suliakkiineri malillugit, tassaniipporlu uagut inatsisartuusugut eqqanaarniaannangassarput, imaangitsoq uppisinnissai kisiisa siunniullugu ummiusimaniaannaq, nunarpummi ingerlaniaruni allatut ajorqaqaaq siuttoqartariaqarpoq isumaqatigigutsigit isumaqatiginngikkutsigilluunnit.

Taamatut oqaaseqarluta una siunnersuut Atassummiit itigartitsissutigineqarnissaa innersuupparput.